


歐羅巴大洲圖說


歐羅巴大洲圖說





歐羅巴大洲圖說

歐羅巴東界亞細亞大洲、南界地中海并亞細亞大洲、西界大西洋、北界北冰洋。其百姓約有三十千萬之數。此洲雖居六大洲之一，然祇差勝於澳大利亞。若與他洲相較，則地又見小矣。長八千里，廣一萬二千里，總計有一千四百萬方里。○所述之教，半係西洋教，半係別洋教。希臘教與回教則間有之。大約在洲之北者，從西洋教，在洲之南者，從別洋教。而東北則有希臘教，東南則有回教焉。○論其人民，心性聰明，風俗敦厚，又洞悉百貨，善於經營，故其商船各處皆到，而商民亦每有廬旅者焉。至其人之形狀，與亞細亞洲人不同，膚白而鼻高，鬚甚短，而常雜髮，或黑或蒼，皆不梳辮，又衣服亦與亞



細亞洲人異、首常戴帽、身着中衣、若婦女不裹足、身穿長衣、腰間必繫縛之、以示細也、首戴大帽、或色絹爲之、或細草爲之、其蔽面多以細薄之紗、用避日光、且可使人弗見、如外出、兩手必罩以套、冬夏皆然、其百姓水陸來往、不用轎、或步行、或馬車、或火輪車、或火輪船、各適其便而已、洲內各國、俱有書院、男女皆得入院學習文藝、其大書院係成人者、或參究醫理、精蘊、或討論教書精義、又有書院幾處、所以教瞽目與耳聾口啞者、其教瞽者、用凸字印板、使之摸而認之、教聾與啞者、常以錄寫與看、使之記認、又有以手指伸縮爲字形、令其習見而熟識之、眞妙法也、至於施濟貧乏、則有醫局育嬰堂焉、又有病癲狂者、則另設一院、與之居處、隨使醫士治之、待其痊愈而後已、

○論其地土、中央大約多平坦、北與南兩處、每見高山疊聳、洲內有大海六、東南二海、一名加斯班海、一名黑海、南方一海名亞得亞海、西北一海名北海、北方一海名白海、中央一海名波羅的海、有高山五座、一名烏拉、二名告甲、俗三名亞力伯、四名必里尼斯、五名朶非、非有大江三條、一名大奴皮、二名地尼伯、三名服拉加、洲內分國共有多餘數、如峨羅斯、土耳其、希臘、以大利佛蘭西、大呂宋、又名西班牙、又名普魯士、荷蘭、伯利諸恒、又名比利士蘇、以天又名瑞典、挪威、耳回棣尼、又名噠馬、大英國等、

峨羅斯國圖說

峨羅斯在歐羅巴東緯線自赤道北三十八度起至七十度止經線  
自中華北京偏西五十三度起至九十四度止東界亞細亞洲內西  
比利亞國南界黑海并土耳其國西界阿士氏拉國波魯西亞國并  
波羅的海北界白海并北冰洋自南至北約六千餘里自東至西約  
五千餘里其百姓共計五千六百萬之數京城地名彼得因前王彼  
得新建都於此故名京城內之民約有四十六萬○所述之教大重  
希臘教因自希臘國而來故名每以拜偶像茹素爲主其茹素也常  
有傷生之弊因前日茹素次日茹葷貪食過飽遂致漲滿成疾不保  
其身誠可哂也又教中之人喜於多備彩旗燈燭并諸色器具各穿  
文繡衣服持之周行於路以爲美觀宛如中國社會一般西洋教回

回教猶太教則間有之○論其人民大約有兩類一類爲富貴人一  
類皆賣身爲奴之輩富貴中之大富貴者奴僕約有數千人其宴客  
也嘗設大筵序坐之法主人自居上位近上位之左右皆貴客坐之  
所食餚饌俱極精美之品若下兩邊所坐客不甚貴而酒食亦稍從  
殺矣至富貴者之爲人其品行悉與佛蘭西人無異而言語又以佛  
蘭西人所講爲官音皆好述之國內爲奴僕者共有一千七百萬之  
數分之在王家者有七百萬在諸富貴家者有一千萬富貴家之奴  
僕如有過犯其主人儘可杖責惟杖後一日就死似責之太過國王  
必將主人議罰否則亦置之不問奴僕所爲之事或田間耕種或市  
上經營或家內指使任憑主人命令不敢違也所住屋宇王宮及富

峨羅斯國人



貴家皆如他國、磚石爲之、極廣大、極華麗、高約四五層焉、如貧窮人家、大都用圓木架於四圍、層層疊起、上如人字形、覆以細木、至四圍空隙之間、則俱以泥塗之所穿衣服、寒冷時、首戴皮帽、身着長裘、兩手之間、套以袖籠、亦皮爲之、是國地近北極、天氣多冷、冰雪凝結之時、人民雅喜於低斜山上、立雪擂下、以爲嬉戲、又冰上最愛穿木屐、流渡、國之陸路額兵有六十一萬、長於馬隊、火器亦精、水師大兵船則有四十隻、戰船三十五隻、兵船二十八隻、水師兵共四萬丁、軍法最嚴、每排陣、軍士屹立如磐石、無敢移步者、數年前、是國欲

強令土耳其爲屬土人不願而無以敵之、乃求援於大英佛蘭西、發兵爲助、相與戰爭已二三年矣、今咸豐六年間、峨人知土之不能取、乃與議立和約、相繼舊好焉、○論其地土、極廣極大、是國在歐羅巴洲內、約分半洲之地、分列五省、一名東海省、又名東峨、二名大峨省、三名小峨省、四名南峨省、五名加撒省、又名加偃峨、其南方天氣和暖、土腴物茂、人民居此者極衆、北方天氣寒冷、地礲物儉、人民居此者則少、國內有大城五、一名彼得、卽新京城、二名馬斯高、舊京城也、初佛蘭西王拿布倫與峨人交戰、寒冬時不得用兵、欲入其城以休息、而峨人不願、遂用火自爲燬滅、至今又復修築焉、三名里克城、四名亞斯答間城、五名阿底薩城、有大江五條、卽服拉加地尼伯土伊

土耳其國西境圖說

拿烏拉唐江是有高山二座、一名烏拉卽與亞細亞洲峨國分界之處、一名告甲俗在國之南與亞細亞洲分界處、國之南有二海、一名加斯班、一名黑海、西有一海名波羅的卽與蘇以天國所分域處也、其北則有白海焉。○所出土產五穀麻布皮貨木料金銀銅鍊鉛至獸畜有馬牛羊兔等。

土耳其國西境圖說

土耳其在歐羅巴東南緯線自赤道北三十九度起至四十九度止、經線自中華北京偏西四十七度起至一百度止長廣均二千里東界黑海并峨羅斯國、南界地中海并希臘國、西界亞得亞海并阿士氏拉國、北界峨羅斯國并阿士氏拉國、其百姓共有一千萬之數、京

城地名孔士旦與亞細亞洲內土耳其國同都城內之民約有八十万。○所述之教大半回教小半希臘教別洋教與西洋教則間有之其奉回教者以二事爲至要如每日必先沐浴跪禱五次、又每年內必有齋期一月如日未沉山決不敢飲食教中人自以所奉回教外別無善教故土人或有述西洋教別洋教希臘教者一經聞知視如仇敵。○論其人民性强悍樂戰鬥死生重然諾交際之間必不失信於人面容嚴峻嘲笑不苟好周濟貧乏服制首不戴帽而以布紮之身穿長袍席地趺坐臥無床以藤榻代之入室必脫屨於戶外其飲食不用刀叉匙箸以手撈取嗜食之物如咖啡烟固不爲害而廣食鴉片以致形容枯槁精力衰疲婚姻之間一男儘可娶數女。

緣京城內多有買女子以鬻入者、凡欲得婦、即可備銀買之、以故人  
可多娶、回教之禮拜堂內設有書院、以教人學習西洋人之事理、  
民人土與農外、有游牧有經商、國之尊者、王爲至民敬之、嘗稱曰神  
影、意以王之大、不啻神之大也、又稱曰日月兄弟、亦崇之之意、次尊  
者爲教中祭司元魁、再次所尊者有宰相、職兼文武、凡國中刑賞諸  
大政、皆聽爲之、又如遇軍旅事、宰官必親自交鋒、不避艱險、宰官之  
下又有官員三等、其品級大小、以執馬尾條數分之、如三條二條一  
條不齊、其制以多者爲大王、宮極廣大極華美、內有妃嬪約五六百  
人、嬌容美貌、概係臣下所奉、但王之所寵愛者、無過七人、而此七人  
中、並不得以伉儷自居、蓋王爲國之至尊、無可敵體也、又該妃子幽

居深宮、有閹人以守之、○論其地、土通國分中央東西三境、中東二  
境、隸於亞細亞洲、已有圖說在上、西境隸於歐羅巴洲、據全國之大  
勢者也、共分八部、南一部曰羅美里亞、西二部曰亞拉羅尼亞、曰黑  
爾士格、北四部曰波斯尼亞、曰塞爾維亞、曰活拉幾亞、曰馬拉達維  
亞、東一部曰埔拉加里亞、國內大城、莫如京城、其城共二十門、城內  
有回回堂數處、遠望屋極高、頂尖削、至近入之、街衢皆狹而曲、民間  
屋宇不甚高大、且穢污不堪、蓋其建造房舍、概用木多被火燬、以故  
王宮回回堂外、絕少華屋、又其地多瘟疫、每歲傷於是者甚多、國內  
有大江、一名大奴皮、自西北發源、過東方流入於黑海、國之中央、自  
西至東、有高山一帶、名希木斯、○所出土產、論地之腴美、原可生物

希臘國圖說

繁盛、奈緣賦稅過重、民多不願、以是耕於其野者甚少、茲所有者、五穀、棉花、烟葉、咖啡、葡萄、南菓、蜜蠟、鴉片、硝鹽、羊毛、橄欖油、至獸畜馬、牛、水牛、羊、豬等。

希臘國圖說

希臘在歐羅巴之南、緯線自赤道北三十六度半起、至三十九度止、經線自中華北京偏西九十二度起、至九十六度止、東南西都界地、中海、北界土耳其、自北至南約一千二百里、自西至東約三百里、疆域之小與英蘭同、其百姓共有三百萬、京城地名雅典、京城內之民計有二萬、○所述之教曰希臘教、今有英與花旗人在伊講明西洋教論、其人民在昔皆循規蹈矩、雅推仁俗、文學之士又最穎悟、能

博覽羣書、善於詩詞、古所稱聲名文物之地也、至言詞亦有典有則、溫文可愛、故羅馬國與他國人入其境者、悉願學之、而文學之美、則尤所喜述焉、當西洋紀元一千四百五十三年時、土耳其國以兵力攻取希臘全土、爲屬者約三四百年、希人大遭土政苛虐、如毀城易俗、又因忌之之故、不許其學習事理、且希之書院、旣被毀滅、土官又不爲修復、希人無所誦讀、以此知識日淺、至中國道光元年間、希人不堪其虐、協力同心、弗受其制、遂加兵於土、以決勝負、交鋒對壘、至七年之久、賴英與佛蘭西、峨羅斯、三國相助、致壞土兵船隻、土兵退、而希人遂仍得自立爲國、民間風俗、在城中者、飲食衣服坐臥、約與土人同城、內書院、今已設立數處、令人學習、而書法尙左手、與他國

異、百姓心性好奢華、悅歌舞、又好於廣衆之地、比較拳勢高下、步法快慢、航海商民皆眼快、手疾、善為水手、國中婦女儀容俊秀、服飾鮮美、素所著名、其八室嘗脫履戶外、室內皆有毡氈鋪設、且人樂於赤足故也、其頭上多美髮、善作髻、髻樣巧編、十般所帶有項鎖手鐲、皆精金為之、兩手指甲嘗染以藥物、變成紅色、○論其地土、分列十部、一亞的加、卽建京城雅典之處、二亞爾哥里斯、卽拿破里城所建之處、三亞加亞、四美塞尼亞、五亞爾加的亞、六拉哥尼亞、七亞加爾拿尼亞、八羅格里斯、九悠彼里、十昔加拉大、京城內希人、昔造廟觀極高大、柱壁堵砌、悉用花石、以故屋宇壯麗、最為著名、他國人入其境、皆樂觀之、至今閱年雖久、而舊蹟依然、又最多書院、極高大華美、凡

游學之士、俱可入院學習、泰西之鄒魯焉、京城之外、有拿破里城、通商大都會也、有巴達辣斯城、亦通商之地、但街衢污穢、商旅惡之、有哥林多城、有斯巴爾達城、舊大城也、城內之民、素稱敏悟、然今禮儀知識、已非昔比、有拿法里拿城、卽土耳其兵船被壞之地、國內山嶺、隨地皆有、而山中之地多平坦、耕種者之所聚、至於江不甚大、山不甚高、而頗著名者、以國之文人多、卽景賦詩、傳其形勝、以是不至無聞、國之西、有海島七、曰各府、曰散他馬刺、曰紀法羅尼亞、曰以達加、曰百坐、曰紀里過、曰散地、總名曰以阿尼島、居民共計二十萬零四千、初是島本屬佛蘭西、後賴英人幫助、不使他國管轄、於是此島遂不為屬、國內天時和暢、地脈腴美、而物產未見豐裕、因農民耕種

之法、既未深知、而農具又無利器。○所出土產、五穀、棉花、烟葉、橄欖油、葡萄酒、乾葡萄、南菓蜜糖、棉羊毛皮貨、至獸畜、有牛、羊等。

以大利國圖說(又名以他里)

以大利在歐羅巴之南、緯線自赤道北三十七度起、至四十七度止、經線自中華北京偏西九十八度起、至百有一度止、長二千五百里、廣北千餘里、南數十里、總計共四十萬里、東界亞得亞海、南界地中海、西界地中海并佛蘭西國、北界瑞士并阿士氏拉國、其百姓共有三千萬之數、京城地名羅馬、京城內之民、約計十五萬五千。○教王之在國中、人極敬之、如外出、見之者、皆樂以嘴親其足、意以教王爲代神來世者、故仰之如是。○論其人民、身體矮小、面不甚白、性懶惰

罔知勤作、所最喜者、或鼓吹、或歌唱、或吟咏、其外又善於繪畫、工於雕刻、如石雖堅硬、而雕成花木鳥獸、悉能畢肖其形、但至今鼓歌吟咏、繪畫雕刻、皆非昔比、故諸技聲名、亦亞於舊日也、民間緣游惰者衆、是以乞丐與盜竊之輩、往往有之、藏書之富、是國最爲著名、至其書從何來、約係古先知輩所流傳也、所住屋宇、富貴之家、壯麗極盛、柱石皆雕刊花鳥、令人悅目、而室中四壁、圖畫紛披、尤爲美觀、禮拜堂、極其崇宏、光彩射目、西人皆艷之。○論其地土、宛似靴形、分列九部、爲九小國、一名沙第尼亞、內有一城、曰治那亞、即昔年覓得亞美理駕大洲、名可倫波者、所生之處、二名朗罷地、三名巴馬、四名摩地拿、五名鹿駕、六名得斯加尼、七名羅馬、卽教首自主之國、八名散馬

里那、九名那不里斯、又名雙細細里、緣此國嘗呼細細里、而其南之所屬有一海島、亦呼細細里、故名雙細細里、該九部之地、雖總稱以大利、而要皆爲一小國、因各國自爲主也、國內大城、羅馬爲最、中國周時、羅馬國勢漸强大、疆土四闢、漢時縱橫千萬里、跨歐羅巴亞細亞阿非利加三洲、或兼攝、或統轄、或修貢職爲臣妾、居然大一統之勢也、至其城內之教堂、崇高華美、他處所不及也、教王所居之屋、較民間尤爲宏麗、亦在城內、又那不里斯國京城、卽以國名爲名、其內最多乞丐、又朗罷地國之京城、名曰米蘭、其能著名者、緣城內有禮拜堂、一極其宏壯、人所快、觀國內有大江二、一、波江、在北方、自西發源、至東流入於亞得亞海、二提伯江、京城羅馬、建於此江之岸、其江

在國之中、卽由國中發源、至西南流入於地中海、又有高山二座、一在北、曰亞力伯、與瑞士亞利曼、二國分界之處、二曰亞閉尼尼、自北至南、橫亘國中、又有火山三座、一名非蘇未由、在那不里斯國內、近山古有二城、曰黑九賴尼恒、曰邦貝以、因是山發焰、並有黑色之怪物、狀如血、名火漿、兼之灰土驟起、遂將二城淹没、至今土人掘出、墳堞依然、傳爲異事、而近處往往地震、又甚烈焉、二名斯德朗波里、在國之南、二千年之內、不時火焰冲天、雖遠在三百里外、於日夕後望之、亦相見也、三名以大那、在細細里海島之內、此山之上、常有積雪、其頂高處、火焰所從出也、是國天時和正、土脈膏腴、物產暢茂、花木芬芳、西土人稱爲美地、國之南方、在地中海之中、有大海島二、一曰

沙弟尼亞卽屬於沙弟尼亞國二曰可耳西加又名加西客爲佛蘭西屬國○所出土產有五穀葡萄酒橄欖油橙柑橘栗諸果絲紬棉布羊毛布玻器極細草帽至獸畜有山羊綿羊牛豬

佛蘭西國圖說

佛蘭西在歐羅巴之西緯線自赤道北四十三度二十分起至五十一度五分止經線自中華北京偏西百有八度起至百二十一度止長廣各約二千里總計方六十八萬里東界以大利并瑞士亞利曼三國南界地中海并大呂宋國西界大西洋北界大西洋并比利士國其百姓共約三千四百萬之數京城地名巴勒京城內之民計有九十萬○論其人民習知禮儀雅稱善俗性好客客至必厚待之又

樂於歌舞凡遇有戲必往觀之服飾之間其式樣常隨時變換令人悅目故英國花旗諸國所用衣樣多取法焉至其言語爲歐羅巴洲內文言凡洲內各國之人皆喜習之民間栽種貿易之事非僅男子不辭勞瘁卽婦女亦各相勤作初國中書院稀少凡入院讀書大約富貴人至今添立多處有大書院二十六所小書院不勝數無論貧賤皆得所學至天文算法最爲精到緣其嗜學故也藏書之室極廣大所藏卷帙約計數十萬本印書之局分八十所共計印匠三千人或印新聞紙或印不拘何書又設立醫局使貧民有疾皆得醫治開養生之院俾貧人入內就業給以衣食不致凍餒昔中國乾隆年間其國大亂尋廢王獄之民於是自立一主卽國之武并名拿破倫最

好戰、常用兵於他國、至中國嘉慶年間、英爲之阻、不從、遂與英戰、兵敗被擒、乃流於大西洋之孤嶼、此後民立故王之裔爲主、至中國道光十年、民又亂、出其主、另立一人、名路易非立、至中國道光二十七年、民又叛逆、主無奈、避之英國、其時民竟自主其治、今中國咸豐二年、是國之主係拿破倫姪、名路易拿破倫、其國之人心精敏、工於製器、所造自鳴鐘、時辰表、玻璃器、磁器、綢緞、葡萄酒、極多、其法時時變易、奇幻出人意表、他國雖有倣造、而終不逮其精、又有戲嬉之氣毬、上



以綢緞作毬外、用絲繩縱橫密紮、不致破壞、下繫以坐板、或二三人、或五六人、坐於其中、如欲行走、可先發氣使滿積

於毬內、從此直上、勢能高、又如得風、不拘何向、可隨行數百里、至欲放下、將毬開一小洞、使所積之氣緩緩洩去、便得落地矣、人民來往、或用馬車、或用火輪船、而火輪車則稀有之、○論其地土、分三十二省、共八十六府、每省有省城、如中國一例、省與府之名頗繁、姑不具錄、京城之大、就徧天下論之、第一推英國倫敦城、而此巴勒城、則居第二、然合言之、巴勒城之內、惟街衢較爲狹小、若房舍則壯麗莫比、又計其城垣里數、長約十四里、闊約十里、城內有園林數處、花木芬芳、國人皆樂於游玩、又有曠地甚大、大樹間生、多涼蔭、避暑美地也、京城之外有城、曰黎恒土、素著名、緣其地出綢緞最多、計織造工匠、約有五萬人、又有二城、曰馬水呂斯、曰黑法、即與花旗國通商之處、

又有一城、曰加拉斯、地近英國、與英人通商、即在此也、京城內、每歲商船來貿易者、共計有一萬二千餘號、內有火輪船二十號、國內有大江四、在西方、曰羅亞爾、曰伽倫、在北方、曰西尼、即京城所建之處、在南方、曰羅尼、南有高山、一曰必力尼斯、與大呂宋國分界之所、東有高山、一曰亞力伯、與瑞士以大利二國分界之所、東南氣候和緩、

土脈膏腴、物產暢茂、西北寒冷、土又卑濕、勾萌鮮苗、○所出土產、白糖、葡萄酒、烟葉、橄欖油、白種菓品、羽毛、大小呢、綢緞、羊毛布、麻布、玻器、磁器、自鳴鐘、時辰表、香料、至獸畜、有胡羊、牛、馬、豺、狼等、



豺狼

大呂宋國圖說

又名西班牙

大呂宋在歐羅巴西南隅、緯線自赤道北三十六度起、至四十三度止、經線自中華北京偏西百有五度起、至百二十八度三十分止、長一千四百里、廣二百里、總計方六十一萬里、東南並界地中海、西界葡萄牙國、并大西洋、北界大西洋、并佛蘭西國、其百姓共約一千三百五十萬之數、京城地名馬特、京城內之民、計有二十萬零一千、○論其人民、身體纖長、姿態微黃、髮黑而睛烏、胆粗豪而專務報復、故好爲犯上作亂之事、性好逸惰於農作、早餐後常午寢、以此鄉戶多貧瘠、至婦女身亦纖長、而容貌嬌媚、素所著名、是國之人、最好鬥、之戲、男女觀者如堵、其門也、縱一雄牛於場、勇有力者、先將牛激之



An illustration depicting a traditional agricultural scene. A man, dressed in historical Chinese clothing, stands behind two oxen, operating a wooden plow. The background shows a simple landscape with distant figures.

大呂宋人

使怒後乃奮身馬上手執長鎗與牛相鬥或落馬鬥之有時馬被傷有時人被傷至獲勝則千萬人皆歡呼迎賀又男女並好彈琴跳舞爲樂所居屋宇棚寮爲多所習事藝多以牧牛牧羊爲業而織羊毛布釀葡萄酒者亦甚夥國內書院稀少人民無從入學以故讀書識字者常罕有之初國人多敏慧今非昔比矣至火輪船火輪車等是國少有造作而貿易之事亦罕與他國相通○論其地土舊分十四部名繁姑不具錄有大山數疊皆自東而西橫亘如垣劃分三土北土山嶺錯雜難於耕作中土高廣天時炎燥雨水稀少故其人民櫛業游

牧、南土山川秀發、天時和暢、兼產各項果實、通國之腴壤也、京城馬  
特在國中兩山之間、地雖大而不耐觀看、城內之屋、唯王宮宏壯可  
觀、若民間房舍、以把拉城內較之、則相形見绌、至街衢亦狹而不廣、  
京城外有二城、一巴西羅挪、卽產葡萄最盛之處、一加的士、卽本國  
與花旗人通商處、國之極南、與亞非利加北境相對之處、有海峽、曰  
日巴拉爾大、又名以人答答、英人於此峽盤石上築堅城、環以炮臺、  
守以重兵、歷百餘年、初是國與佛蘭西、嘗屢攻之、而終不能下、緣其  
地險且固也、國內有大江五條、一伊伯羅、自北發源、過東南流入於  
地中海、二加大怪法、在南方流入於大西洋、三卦地亞挪、四太古、五  
杜羅、皆自國中發源、過西流入於大西洋、此三江發源在本國流注、

及葡萄牙國、遂大而且深、故巨舟儘可駛行。若本國江面雖大、水甚淺、唯小船可出入也。國之東有海島三座、曰馬寶耳加、曰米諾耳加、曰伊非加、悉係是國所轄。又南北兩亞美理駕之內、初嘗有數國、皆聽管轄、至今悉自立其主、又亞細亞洲之東南、有海島數處、總名曰小呂宋、又北亞美理駕洲之南、有西印度海島、其內有大海島、曰苦伯、均爲是國所屬。○所出土產、有葡萄酒、五穀、百果、火腿、蜜蠟、水銀、洋布、棉紗、黃麻呢、羽毛、綢緞、羊毛、磁器、銅器、玻璃、瑪瑙、寶石、琉璃、煤炭、至獸畜、有良馬、驢子、騾子、山羊、綿羊、其毛最有名、又有一種獵犬、隨人射獵、如射獲能尋而攫取之。

葡萄呂國圖說

葡萄呂在歐羅巴之西南、緯線自赤道北三十七度起、至四十二度止、經線自中華北京偏西百二十三度起、至百二十六度止、長一千里、廣六百里、總計方十二萬里、東北兩界大呂宋國、南西兩界大西洋、其百姓共約三百五十萬之數、京城地名力斯本、京城內之民、計有三十六萬、○論其人民、初多敏悟、而善於經營、又嘗駕巨舟、徧行列國、或相攻戰、或相貿易、後自大呂宋人、入虐其國、國人貿易之事、遂十去其五、至今是國雖自立其主、而與列國通商、仍覺未盛、百姓所習事業、大約釀葡萄酒及鹽者居多、國中書院稀少、大者僅二處、火輪船偶有之、火輪車未之見也、其衣服飲食、約與大呂宋人相似、而形狀亦同、○論其地土、分列六部、名不具述、其京城力斯本、遠望

之樓臺疊起、頂尖於削、頗耐觀看、至入其內、屋宇皆小、而粗無壯麗者、其街衢狹甚、穢甚、並無整潔之處、且路石皆蹊蹠不平、最難行走、中國乾隆年間、其城之地大震、屋宇傾頽者、約六千所、壓傷人民、約三萬人、後歷年修建、稍復其畧、京城外有城、曰聖尤皮斯、極著名、出鹽最盛、又有城、曰阿波爾多、舊京城也、其地產葡萄酒最良、亦素著名之處、國內大江三條、曰卦地亞那、曰太古京城力斯木、建於此江之濱、曰杜羅、卽舊京城所建地也、至是國所屬、在亞非利加洲之西、有海島三處、曰馬地拉、曰亞瑣利斯、曰加法、在天竺國之西、有一城、曰俄亞、在大中國之南海島香山內、有一城、曰澳門、又名麥高等處、皆所屬也、是國天時地利、雖俱得其美、奈勤於耕作者甚少、亦其人

多懶惰也、○所出土產、葡萄酒、鹽、百菓、羊毛布、油等、獸畜未詳、

瑞士國圖說又名瑞西

瑞士在歐羅巴之中、緯線自赤道北四十六度起、至四十八度止、經線自中華北京偏西一百十六度起、至一百十一度止、長約八百里、廣約七百里、總計方五萬里、東界阿士氏拉國、南界以大利國、西界佛蘭西國、北界亞利曼列國、其百姓共有二百零一萬三千一百之數、國內無京城、緣其國不立王、故不建王都、○論其人民、初係阿士氏拉人管轄、嘗屢虐之也、如國有一善射之人、名得利、阿士氏拉禦官、曾將伊子頭上放平菓一枚、即使其父得利射之、幸得利射學精工、矢發時、平菓落而其子不受傷、厥後民不堪虐、遂集國人一千三

百告絕於阿士氏拉而不聽其轄時阿士氏拉師師二萬人攻之被瑞人一千三百戰敗而瑞從此便自爲主此一千三百十五年事也又數百年後爲屬於佛蘭西至佛王拿破倫被他國戰敗擒去是國又仍其舊而自爲主矣百姓心性最誠實樂於故土不願他徙胆大而力健如臨陣皆効死力戰不避艱險至言語風俗隨地而異如在北近亞利曼諸國在西近佛蘭西在南近以大利卽各與所近之國相同各大城之內皆有大書院又有小書院幾處童子所入學也所習事藝因國內萬山疊峙多砂石難於耕耘故大半以牧畜爲生其餘或造牛乳餅牛乳油其國之牛最多乳汁取乳之婦以水桶盛取其汁一次便滿又造自鳴鐘時辰表者亦多人焉是國在歐羅巴洲



之中四圍皆陸而遠於海以此商船兵船皆所未備至陸路兵丁共計三萬三千各部所分戍也○論其地上分列二十二部名繁不具錄各部內設立鄉官數十人以主理之如有大事則會同商議有大城一曰熟尼瓦卽建於熟尼瓦湖之濱居民二萬六千多聰穎者能精文字能善經營又有大城三曰比耳尼曰蘇里格曰綱士丹士因建於綱士丹士湖濱故名有大江二曰羅尼在南方曰愛耳在北方有大湖四西二湖一卽熟尼瓦一曰牛弗砂德力北一湖卽綱


士丹士中央一湖曰路塞爾尼其高山東南西三方總名亞力伯此山極高山上終年積雪雖值炎夏山下暑熱薰蒸而山上之雪仍不少減且冰雪交凝渾如瀑布有時播下沿山村莊房舍被壞人多壓死又山上有大路一條好施者嘗建義庄數間於中路爲寒冷冰雪驟甚時以救行人之凍餓者其救之之法或養義犬數隻每二隻作一隊一背上縛服件一項間掛食物能於山路上尋覓凍餓者其人如尚能行走二犬則引歸義庄否則遂卽轉知庄中人同來救歸至於路徑被雪淹没不見此犬能爲先導○所出土產五穀葡萄酒佳製乳餅牛奶油藥材羊毛布麻布自鳴鐘時辰表至獸畜有牛羊麋鹿等

亞利曼列國圖說又名日耳曼

亞利曼列國在歐羅巴之中緯線自赤道北四十五度起至五十七度止經線自中華北京偏西九十六度起至百有十六度止長二千二百里廣二千八百里總計方八十萬里東界普魯士并阿士氐拉國南界瑞士并阿士氐拉國西界佛蘭西并荷蘭國北界普魯士并棣尼國其百姓共約二千萬之數內分列國皆自主治不相臣屬故無京城○論其人民性心誠實身軀長大多強力能爲精兵又善經營勤耕種無懶惰者國人分二類一係國君宗室極尊貴謂之事主有大事則列國事主相會議而決之一乃庶民百姓也是國最著名緣其人多聰穎且男女各善誦讀俱知文學其大書院有二十四所

小書院比比皆是以此國人不知學習者千人中不過一人不能書寫者千人中不過五六十人賣書之人縛之背上載之馬車周行各處以相售城內多藏書之室每室所藏約有數十萬卷倘有願讀其書者不拘何人儘可入內披讀民之所好或鼓吹或跳舞其服飾與歐羅巴洲內各國相同其飲食百穀蔬菜獸肉等最嗜唯豕肉每歲約食豕八百萬隻所習事藝或游牧或耕耘或織造布疋或掘取金銀煤炭又精製八音琴與諸樣樂器是國居歐羅巴

洲之中四境距海皆遠以是兵船商船火輪船俱稀有至者又英吉利比利時希臘三國遭喪亂輒招致是國列侯世子爲王殆西土王氣之所鍾歟○論其



八音

地土分列爲十小國南方地暖產葡萄與各種果實其自南至中央有高山一長灣名亞力伯北方地寒多平坦而頗低濕然出五穀尙夥國內有大城五一摩尼克二黑那法三門志四法蘭法爾答五怛不爾革有大江四一里尼二肥塞三伊拉皮四阿達○所出土產百穀蔬菜葡萄酒丹參鹽煤炭金銀銅錫磁器玻器羊毛布麻布大呢時辰表自鳴鐘至獸畜有牛羊豕馬等、

自鳴鐘



時表



豕



雄



阿士氏拉國圖說又名奧地利亞

阿士氏拉在歐羅巴之中、緯線自赤道北四十三度起、至五十一度止、經線自中華北京偏西九十二度起、至百有八度止、長三千三百里、廣三千九百里、總計方八十四萬里、東界峨羅斯并土耳其國、南界土耳其以大利國并亞得亞海、西界瑞士并亞利曼列國、北界普魯士并峨羅斯國、其百姓共約三千五百萬之數、京城地名未伊拿京城內之民、計有三十萬、○論其人民、土人外有自他國徙居者、如亞利曼人、約五分之一、以大利人、約七分之一、其言語與教、各不相同、國人約分二類、一富貴人、權勢極尊崇、一平常百姓、富貴人常奴視百姓、而苛待之、又有一類頑民、西洋人呼爲絕必西、其人時而爲

乞丐、時而作偷竊、時而假託算命、誑謗愚人、百姓事藝、大約以耕種佃獵、掘取金銅鍛水銀煤炭等爲生計、國內書院不能多有、以故習文藝者甚稀少、○論其地土、分列十部、一的羅里、二壹里黎亞、其內出水銀鑛、三士的里亞產鍛最廣、四波希米亞、其百姓最穎悟、深知耕耘之法、五摩拉維亞、六加里西亞產鹽極美極多、七特蘭斯法尼亞、八恒加利、有金銀銅鑛、每歲所出最多、九斯拉法尼亞十格羅底亞、其疆域半之、又半在亞利曼列國內、故亞利曼十小國、是國亦居其一、城之最大者、京城名未伊拿、城內屋宇極廣大、高計四五層、每一所居三四家、約容三十餘人、樓梯祇一數家同上下、婦女皆美姿容、惜淫佚而無閨教、又有三城、一曰百雷格、即波希米亞省城、一曰

的里斯的在亞得亞海濱、一曰阿里木士極堅固、在摩拉維亞部內國有大江一、曰大奴皮、又西南二境有亞力伯山東北二境有加伯旦山○所出土產五穀、葡萄酒、蜜糖、鹽、麻布、羊毛布、綢緞呢、金銀銅鑄、水銀磁器、玻璃器至獸畜有熊、豺狼、猪、牛、羊等。

普魯士國圖說

又名波路西亞

普魯士在歐羅巴之中、緯線自赤道北四十九度起、至五十六度止、經線自中華北京偏西九十三度起、至一百十度止、長約一千二百里、廣約二千里、總計方三十六萬里、東界俄羅斯國、南界阿士氏拉并亞利曼國、西界亞利曼、荷蘭、比利士、三國、北界亞利曼國并波羅的海、其百姓共約一千四百萬之數、京城地名比耳林、京城內之民

計有二十三萬○論其人民胆雄壯、心敏悟、俗尚禮儀、初不知誦讀、今則多設書院、皆能好學不倦、儀文物之邦矣、所習事藝、緣地多砂礪、難於耕種、故事農之外、每以游牧牛羊、織造羊毛布、麻布等、爲生計、服飾之間、皆好華美、國之立法、凡民二十歲、至二十五歲、內必三年入伍、練習武藝、故其國之額兵精而且多、統計約有五十三萬、兵船火輪船皆稀少○論其地土、初本狹小、後緣侵取隣境、疆圖遂擴、其大勢分列八部、曰不賴的不爾克、曰細拉西亞、又取之於阿士氏拉者、曰里尼、三部之人、皆勤耕作、精織造、製器又工、曰波美拉尼亞、取之於蘇以天、曰薩沙尼、曰活法、四法利亞、曰裏疑、曰波森、取之於俄羅斯、曰普魯士、卽以國名爲名、是國之地、小半在亞利曼列國內、

故亞之十小國亦居其一、正與阿士氏拉同也。其大城三、京城比耳  
林在不賴的不爾克部城內屋宇皆宏壯整潔、街衢亦直而闊。有孤  
子院收養惄獨、有醫局居旅客貧民之染疾者。其居民精於製造鍊  
器、磁器、并麻布、羊毛布、綢緞等。又細拉西亞部有城曰不勒斯勞、素  
著名緣城內百工畢集、貨物充牣。又里尼部之內有城曰哥羅尼、亦  
有名緣居民善造鍊器、織綢緞布疋。而所製香水尤佳。此水至今販  
運各國、緣各國婦女將手巾點滴少許、時以撲鼻皆所悅也。有大江  
四、一里尼、二伊拉皮、三阿達、四非斯土拉。○所出土產穀麥、烟葉、麻  
布、羊毛布、綢緞、呢鍊器、磁器、琥珀、香水、木料至獸畜有羊、馬、牛等。

荷蘭國圖說

荷蘭歐羅巴之西北隅也。緯線自赤道北五十二度起至五十四度  
止、經線自中華北京偏西百有十度起至百十二度止、長約六百里。  
廣約四百餘里、總計方四萬三千里。東界普魯士并亞利曼國、南界  
比利士國、西北兩界北海。其百姓共約二百六十萬之數。京城地名  
海克、京城內之民計有五萬。○論其人民初最著名、嘗多造船隻、與  
英吉利佛蘭西兩國相戰爭、相貿易。今非昔比。其人身體壯健者居  
多、心性喜潔、而耐勞。房舍時時掃滌、街衢如有污穢必洗刷淨盡。風  
俗儉樸、節衣嗇食。治生最爲勤苦。無游民、無盜賊。利之所在、不遠數  
千萬里、而往來之國中如有乞丐貧人、該處官吏必令是人就習藝  
事、給之衣食。如不聽則強之。蓋不許其游惰故也。俗喜吸絲烟、雖當



作事行路時亦未嘗息其書院大者四處小者隨地皆有故閭民皆知誦讀書寫所習事藝耕種外牧牛最衆所製乳餅極佳又善造火酒二者通運各國當天氣寒冷時江河皆嚴冰凝結其民即于冰上往來嘗用光滑鍊條製爲鞋底使之溜行迅捷如飛又冰上所走馬車其馬足亦用一物如鞋樣套之製略圓式與馬足相稱下有光滑鍊釘以是弗虞傾跌民習水利故船上水手最多最勝○論其地土初嘗與比利士合爲一國至中國道光十年間各相分立長約六百餘里闊約三百五十里壞地褊

小夷坦無山其地沮洳卑濕洲渚港道縱橫交貫而西北地近大海常恐潮水衝陷故高築隄防以禦之土脉最腴易於栽種地分十部名繁不具錄京城之地雖小其內屋宇街市皆華潔可觀又有城曰恩斯德爾敦城在是國爲最大居民極好整潔國王所居殿廷制尤高大而其地四圍皆水宛以河道爲街衢也又有城曰里敦在海濱出牛乳餅最多初國人與大呂宋人交戰此城被呂人久困城內人幾於餓死時城外土人來相救護將所築海隄決裂之計淹沒呂人呂人遂遁國中有海一名徐得徐其水與北海通又有大湖一名海倫大江二一名里尼一名謬西其水皆流入於北海亞細亞洲之南有海島曰瓦呂全島係是國所屬又有海島數處則半屬焉南亞

美理駕洲之北、有小國一、曰器亞拿、是國亦分屬其地。○所出土產、牛油、乳餅、火酒、蔬菜、烟葉、毡、呢、棉布、麻布、羽毛綬、羊毛布等、至獸畜、有牛、羊、馬。

比利士國圖說又名伯利諸國

比利士在歐羅巴西北、緯線自赤道北五十度起、至五十二度止、經線自中華北京偏西百有十度起、至百有十四度止、長六百里廣四百里、總計方五萬里、東界亞利曼列國、南界佛蘭西國、西界佛蘭西國并北海、北界荷蘭國、其百姓共約四百三十萬之數、京城地名北律悉、京城內之民、計有十一萬。○論其人民、言語各異、如在南近佛蘭西、在北近亞利曼、卽各與所近者相似、初其民甚聰明、善繪畫、故

最著名、今則不然、所習事藝、勤耕作、工紡織、所績呢布皆精良、至人之形狀衣服飲食、并書院規則、約與荷蘭相同、以初本與荷蘭合國也。○論其地土、分列九部、名不具錄、國中有大城二、一卽京城北律悉、內多植嘉樹爲園囿、供士民游賞、又有大市鎮一百貨會萃、所出毡、羊毛布甚佳、故販運各國、最著名、二名恩活畢城、亦頗著名、昔塔之高、計四十丈、又有華德路村、其地與京城相近、亦最著名、中國嘉慶十九年間、佛蘭西王拿破倫、在歐羅巴洲內、侵伐各國、時英吉利合列國兵與倫戰於此、而大勝之、國內大江二、一謬西二斯克拉底、其全國地勢多係平坦、唯南界有岡陵、氣候溫和、土脈膏腴、多草

場、便於芻牧、河港縱橫交貫、人民來往、通行舟楫。○所出土產、五穀、百果、烟葉、呢羊毛布、麻布、毡、毛炭、鍊等、至獸畜、與荷蘭同。

蘇以天國圖說又名瑞典

蘇以天處於歐羅巴北隅、緯線自赤道北五十五度起、至七十七度止、經線自中華北京偏西九十二度起、至百有八度止、長四千里、廣一千五百里、總計方九十七萬里、東南兩界波羅的海、西界挪耳回國、北界挪耳回并峨羅斯國、其百姓共約二百九十萬之數、京城地名士篤恒、京城內之民、計有九萬。○論其人民身體矮小、性心誠實、無欺胆雄壯而俗樸厚、凡富貴者之爲人、其禮儀悉與佛蘭西一例、書院隨地皆有、閭民均知誦讀、民之所好、首在於花、故精於花本者。

甚夥、初國有一人、名立尼阿斯、能詳悉花本、尤推獨絕、嘗著花譜一卷、次在於石、遇石之佳者、各持之、以衡量高下、此外又工於繪畫、所習事藝、多以砍柴捕魚、掘取銅鍊、爲生計、因是國氣候極寒、農作甚難、故也、其居處多平屋、屋外漆紅色、屋內玻璃門扇各雙層、以避寒威、至鍊製火爐、房舍皆設其衣服多羊裘、或羊毛布、皆重疊雙衣、而所食者饌、絕少菓品蔬菜、民之往來、北方人常用一鹿、名曰快鹿、用以代馬、又用以負載、此鹿北方最多、土人食其肉、飲其乳、衣其皮、而又剔其筋、以爲弓弦。○論其地土、舊與挪耳回分二國、後於中國嘉慶二十年間、并成一國、分列二十四部、大勢概係平坦、而產樹最多、隨地成林、南界有腴壤、稼穡四旬即熟、迤北天氣寒冷、居民稀少、至

極北處、冬時約有二三月、常如夜而不見日、夏時亦約有二三月、常如畫、而不見月、西有梁非非山、卽與挪耳回分界之所、國內有大城二、一卽京城士篤恒、建於馬拉湖濱、城中房舍皆高大而潔白、惟街衢不甚長、亦不甚闊、國王所居殿廷制尤壯麗、二曰閣敦不爾格城、國無大江、而小者最多、其水皆從國中發源、流入波羅的海、又有大湖三、一活納、二活得、三馬拉、○所出土產有五穀、蕃茹、魚、木料、紅銅、鍊至獸畜、有馬、牛、羊、鹿、犬等、

挪耳回國圖說

挪耳回在蘇以天之西、與蘇併爲一國、其百姓共約一百一十萬之數、有大城曰基督亞尼亞、城內居民計有三萬、國中教術、禮儀、衣服、

拉 潘 淩 入 人 巴 走



飲食上產等概與蘇同、唯律法則各異也、民之事藝、緣艱於農作、所產多樹、故大都以售賣木料爲生、國之西有海島數處、總名祿法騰、其島形成角立、大潮過往、兜成盤水、勢甚汹湧、凡舟楫經之、無不覆沒、又有極大鯨魚、過是水、亦每被盤激而死、北有一地、曰抗巴闌、初自主其治、今爲是國與峨羅斯蘇以天三國分屬之矣、因其地最冷、

居民稀少、物產鮮薄、故土人衣食乘載、概取於鹿、卽所云快鹿是、此鹿爲土人家產、富貴家固芻豢甚多、卽貧窮人亦概有十數隻焉、至其土人、皆冠皮冠服、皮裘、着皮鞋、又因其地冰雪凝結、如外

出嘗於鞋下、套木履、手執長木一枝、狀如撐篙、使一撐而溜走也。

棣尼國圖說

又名  
雙驕

棣尼在歐羅巴西北隅、緯線自赤道北五十三度起、至五十八度止、經線自中華北京偏西百有五度起、至百有八度止、長一千里、廣三百五十里、總計方七萬八千里、東界波羅的海南界亞利曼列國、西北兩界北海、其百姓共約二百五十萬之數、京城地名可本海經、京城內之民、計有十二萬、○論其人民、俗尚儉樸、性心誠實、善經營、慣爲水手、交際之間皆和好、無爭論者、數十年之前、其國曾備兵船多隻、帥水師多人、常與各國交戰、欲其臣屬時、各國皆畏之也、後與英吉利人戰、被英人大敗之、兵船多損、乃議和而罷、至今兵丁尚有十

萬、而兵船則甚少、初國之尊貴者、每苛虐其民、今無是也、國內大書院有二處、小書院不勝數、院之律法、凡民間童冠、皆令入學、如不聽、則強之所習藝事、概以耕耘游牧、或製造乳餅等爲生計、○論其地土、緣是國於波羅的海中、有大海島三處、亦在境內、以故幾長幾廣、均難約計、分列六部、北曰熟德蘭、中曰斯拉斯活依克、南曰苛拉斯天、其餘三部、皆係大海島之地、一名敷南、二名徐蘭、卽建京城處、三名拉蘭、國之大城稀少、唯京城周圍量計、約有十五六里之則、其衛衢矢直、屋舍軒敞、每一所、約容居人數家、是國之地、概係平坦、高山大江大湖、俱未有、又因三面距海、地甚低濕、而西北尤沿海窪下、嘗築長堤以捍海潮、所屬之地、於大西洋中、有大海島、一曰愛撒倫、此

島最著名緣有火山曰黑格拉又山之近傍常有火漿噴流有時高約十五丈之則呼曰基色又有小海島數處總名法羅皆所屬也至北亞美利駕洲之南其所屬有西印度海島數處又洲之北有屬國一曰青藍其國地近北極嘗半載無日而全夜半載無夜而全日又



因天氣最冷物產鮮薄人民稀少其形狀矮小性心愚魯所食之物以海魚獸肉爲常供專務漁獵故海犬海牛鯨魚之類皆能捕取以資食用○所出土產五穀乳餅鯨魚、



至獸畜有牛羊海犬海牛等

大英國圖說又名英

大英在歐羅巴西北緯線自赤道北五十度起至五十八度止經線自中華北京偏西一百十五度起至一百二十七度止東界北海、南界英吉利海并大西洋西北兩界大西洋地分三土南土曰英蘭北土曰蘇各蘭合名英吉利西土曰愛耳蘭三土總名大英强大之國也、

英蘭之民共約一千六百零二萬五千之數京城地名倫敦京城內之民計有一百六十萬○論其人民初皆未識眞理未嫻禮儀而心性亦少敏慧數百年前亞利曼嘗有多人至是國與土人交戰勝之

後議立盟約與之和好於是亞利曼多人遂在是國居息至今國之百姓皆土人與亞利曼人後裔也今則稱是國之人最爲敏達大小書院不計其數凡在院者若天文若地輿若算法皆能探究其奧至每歲無數新刊書籍及國之新聞報與他國新聞報亦無不檢閱無不誦讀以故一切時事俱所通曉書院規則男女皆准入學以是婦女之輩儘多敏悟卽如百音琴與諸色樂器各能按律譜曲焉立局印書其字板用擺板便於撮用每字以鉛錫鑄成如中國聚珍板然非呆刊梓桐統板也其刷印之法以兩人對立於印書架旁中放擺板數塊一搗墨一用紙壓放板上甚爲便捷至其印書架之式樣機關難



於言似請卽所列之圖觀之又製造呢布磨礲穀麥鋸分木板等皆用一輪轉運其間非如中國必藉人力爲之而輪之何以轉其法資半水火水火相濟而氣以運輪卽由之而動如火輪船火輪車亦一例也至其邊旁照顧之人雖年幼兒女亦堪勝任易何如

之所習事藝、勤耕作、深知稼穡之事、精織造、多添日用之需、利之所  
在、尤善經營、嘗造商船多隻、販運各國、獲利數倍、而掘取金銀煤炭  
等、爲生計者亦甚多、民之所好、或吹笛或鼓琴、或獵取鳥獸、或游觀  
戲劇、又有馬者、嘗各出馬跑走、比較快慢、爾時男女觀者如堵、或交  
相打賭、輸贏金銀、如猜此快彼慢者、則爲贏、不着者、則爲輸焉、民人往  
來、初以火輪車火輪船、尙未造作、遠近多用馬車、至今路之近者、步  
行外、仍用馬車、若遠地、則皆用火輪車火輪船、緣所造已多也、其國  
內兵船商船皆最多、而兵船中之水師、則甚夥焉、○論其地土、西有一  
地、名威力斯、初嘗自爲主、至今合於是國、共分五十二部、英蘭列  
四十部、餘十二部、威力斯地也、長計一千四百餘里、廣計九百餘里、

東方概係平坦、西方稍見山嶺、不甚高大、國內大城、首推京城倫敦、  
且爲徧天下所莫及、自東至西、計廿八餘里、自北至南、計二十里、周  
圍量計約一百里、城內屋宇、皆宏壯整潔、街衢縱橫、交貫、闊甚潔甚、  
概分三條、左右皆光滑石路、便人行走、中間或泥或石、不一、馬車所  
往來也、又日夕後、路中陸續明燈、宛同白晝、故夜行者無虞、窘步、夾  
於城之中間、有一大江、名坦米斯、上駕長橋五條、以便往來、江之下  
掘隧道一條、通兩岸、馬車常出入焉、王之宮殿、極巍峨雄壯、零有殿  
闕一所、亦甚壯麗、係殯王與后棺處、城內禮拜堂不一、最大者曰保  
羅之殿、其營構極雄壯奇麗、施濟之所甚多、如軍士水手、凡受  
傷而年邁者、有養老之處、貧家婦女、遇有生育、無力調養、有安產之

處、又設立醫局、使貧民遇有疾、皆得醫治、開養生之院、俾國之貧不能食者、入內就業、給以飲食、不致餒、而至民人有病癲狂者、亦有養之之處、印書局所出書籍極多、至新聞紙、每日常印、一年約有一千六百萬張、國內之人、固皆分讀、亦遠寄他國、與之共聞、商船會集處、每年約有數萬隻、緣城內多巨商、進出貨物、易於消售、故商船因之多集、城中居民至衆、他城所不及也、京城外有大城三、一立弗布立與花旗通商最盛之處、一佐弗兒、與佛蘭西通商地也、一門起斯德、其地出棉花布最多、國有大江三條、一卽坦米斯、一色弗爾尼、一默爾西、江之外、河港亦多、舟楫往來如梭織、陸路馬車火輪車皆有、此國版輿雖不廣大、而所屬之地甚廣、如北亞美理駕洲之北、名加納

大南亞美理駕洲之北、名基亞拿、亞細亞洲內之天竺國、澳大利亞之一洲、亞非利加洲之南、又有小邑、不計其數、皆屬焉、○所出土產、緣民人勤於耕穫、故出五穀最美最多、又有棉布、麻布、羊毛、羊毛布、玻器、磁器、鍊器、綢緞、嗚噠、羽毛、煤炭、皮貨、馬口銹銅、鉛酒、鹽等、至獸畜、馬、牛、羊、皆稱良產、

蘇各蘭初本自主其治、當二百餘年之前、與英蘭合爲一國、卽一千六百零三年時也、東界北海、南界英蘭、西北兩界大西洋、其百姓共約二百六十二萬九千之數、京城地名壹丁不爾格、舊都也、而今仍之、城內之民、約十六萬五千、其國爲英蘭所兼轄、○論其人民、概分二類、在國之南者、性誠實無欺、多讀書、勤於操作、在國之北者、胆雄

蘇各蘭北方人



壯力强大、凡事不畏艱辛、讀書識字者較南方稍缺衣服之製與他國不同、卽與本國南方人亦少異、蓋所用布疋其花紋皆橫直、間列五色、又下服冬夏不蔽其膝、大都如此、民之所好、或吹笛、或跳舞、其容貌禮儀、約與英蘭人大同少異、○論其地土、自南至北、約九百里、自東至西、約四百餘里、共分三十二部、名繁不具錄、國內有大城二、一卽京城、壹丁不爾格、在國之西南、其內街衢整潔、萬廈雲連、爲國之大都會、書院最盛、大書院內從學者、一年約有二千人、二名格勒斯高城、國之大城、推爲第一、其

地產棉花布最佳最多、書院亦不少、大書院內從學者、一年約有一千四百人、江雖多、不甚大、湖則不計其數、南方概係平坦、土田肥沃、北方山嶺重疊、草場皆是游牧者所集也、民人往來、火輪船與火輪車、較少於英蘭、國之西北、有海島數處、皆是國所轄、○所出土產、棉花布最高、又有洋布、麻布、煤炭、玻璃、鹽、魚、鯡等、至獸畜、有牛、羊、愛耳蘭、英吉利、西之一島、與英貼近、東界海、英愛相隔、西南北都界、大西洋、其百姓共約八百二十萬、京城地名都伯林舊城也、城內之民、約二十萬之數、初此國本自爲主、當五十二年之前、時在一千八百零一年、與英合國、卽以英之主爲主焉、○論其人民、面容和悅、嫋於禮儀、好飲酒無遠圖也、胆雄壯善鬥、臨陣敢於衝突、心性少穎悟、

童稚者多不知誦讀、至今添設書院、則稍解文墨矣。所食之物、緣未知樹藝五穀、唯姑生之故、所賴養生、少異物也。所住屋宇、規模極低小、屋內概係泥地、無鋪以木板者、而牛羊犬馬之類、又悉與同棲、污穢莫甚。蓋此國居民、大約貧苦之人、若富貴者、多遷住於英。其本國所有房屋、則租人收息焉。○論其地土、長約九百里、闊約七百里、分列四省、東一省名連斯德、南一省名門斯德、西一省名克拿鍊、北一省名烏呂斯德、四省內共分三十二縣、名不具錄。國內大城二、一卽京城都伯林、在國之東、濱於海、初城內多富貴人居、今緣概遷於英、祇餘貧戶、至於屋舍、民居外、如禮拜堂及衙署等、尙皆高大可觀。又有大書院一、從學者每年內約有一千六百人、一名格爾格城、在

國之南方、爲此國大都會、他國商船、凡裝載糧食、而與爲貿易者、每在於此、有大江一條、名賜能、至河港、則縱橫交貫、民人往來、便於舟楫、火輪車與火輪船、甚稀少焉。○所出土產、有麻布、棉花布、醃牛肉、魚、鯪、煤炭、錫、銅、鐵等、至獸畜、有牛、羊、豕、

卷之三

